

永樂大典

永樂大典

永樂大典卷之二千二百七十五

六模

湖

湖州府

親領縣六

烏程

歸安

安吉

德清

武康

長興

圖

分野

城池

橋梁

風俗形勝

田賦

土貢

宮室

寺觀

建置沿革

至到

鄉里

渡堰陂塘

戶口

物產

山川

祠廟

壇墳

永樂大典

永樂大典

官制
管鎮
軍營
宦蹟
烈婦
碑碣

公廨
學校
墳墓
著姓
釋道
文章


永樂大典

江吳府州蘇至北

界縣江吳府州蘇到北東

永樂大典

八十三 溱港湖太縣程馬



吳江六都界

東至蘇州府吳江縣界

東

府州抗至南

界縣德崇府吳嘉到南東

大典

水湖太界縣

界縣興宜府州常到北西


五十二潰港湖太縣吳長



界縣國寧府州宣到南西


界縣和仁

永樂大典



永樂大典

永樂大典




永樂大典

知府公廨

同知公廨

卷二千二百七十五




永樂大典


永樂大典

愛山臺

通判公廨




經歷公廨




經歷司




照磨公廨



司文公廨



射圃



永樂大典

永樂大典



大興

永樂大典



東

南

杭州水府

安溪

奉口

下渚湖

大拖鋪

黃龍山

分水鋪

楊家莊

官澤

楊家莊

楊家莊

楊家莊

楊家莊

楊家莊

楊家莊

楊家莊

惟新三節

和平下瀆

和平上瀆

下渚湖

楊家莊

新瀆

西倉塘

惟新四節

目村

馬程界

十三節

楊家莊

凡常湖

黃山

楊家莊

楊家莊

楊家莊

楊家莊

楊家莊

楊家莊

楊家莊

楊家莊

楊家莊

楊家莊

楊家莊

永樂大典

北

湖太

永樂大典


東洞庭山



大雷山



東



永樂大典

永樂大典

香山

西洞鹿山

北

小雷山



西

山後塔

至德都

至德都

白鳥都

安化四都

新安五化

西湓

下濠

獨步山

王梅港

高程界

三都

二十三都

二十四都

二十五都

上濠北

湖州府

剛山

永樂大典

南

永樂大典

至北

界縣江吳到北東

太湖

東至吳江縣震澤界

東

歸安界

歸安二都界

歸至南

界縣安歸到南東



永興縣志
樂典

西 北 列 長 興 縣 界

大 湖



西至長興縣界

西

西 南 到 歸 安 縣 地 接 安 吉 縣 界

安 縣 界

永樂大典

北到迎春門外烏程界條橋二里

北至烏



東至崇德縣界

東

南至德

東至崇德縣界

永樂大典

永樂大典

西到北烏程地接長興縣界

程縣界



西至本縣在城西平橋烏程分界一百八十步

西



西至南安吉縣界


清縣界

永樂大典

永大

北至宜

東北到吳縣界



東至烏程縣界

東


南至安

東南到烏程縣界

永樂大典

北至

東到歸安縣界



東至德清縣界

東

五漕斗門

唐湮斗門

新斗門

南至

東到錢塘縣界


永樂大典

永樂大典

西到北歸安縣界

安縣界

北



西至安吉縣界

西

卷五百五

永樂大典

西到南餘杭縣界

杭縣界

南

永樂大典

東北到歸安縣界


東至崇德縣界

東

永樂大典

東南海寧縣界

南至仁



北至歸

南

永樂大典

長至北

界縣程烏至北東



東至武康縣界

東

臨至南

界杭餘至南東

永樂大典

西至北廣陽縣界

興縣界

卷三百七十五



西至北廣陽縣界

安縣界

建置沿革

大明清類天文分野之書

親領縣六。舊五。新一

烏程尚郭

歸安尚

郭安吉

德清

武康

長興舊州

禹貢揚州之域。斗牛之分。古

防風氏之國也。周春秋時屬吳。後屬越。戰國時屬楚。為菰域。即春申君之

邑也。秦置烏程縣。界於會稽故章兩郡之間。漢高帝六年屬荆。十二年又

屬吳。景帝二年屬江都。元狩二年。江都國除。屬會稽。故彰二郡。東漢屬吳

郡。三國為吳地。孫皓立吳興郡。晉太康三年。分烏程西鄉為長城。東鄉為

東遷。又改永安為武康。永興元年。分長城之北鄉為義興郡。宋復分故彰

郡置綏安縣。齊因之。梁紹泰元年。改為震州。陳罷震州。復為吳興郡。隋開

皇九年。東遷長城。復入烏程。屬蘇州。遂省吳興郡。仁壽二年。置武康。分烏

程長城。置湖州。治於烏程縣。取太湖為名。大業二年。州罷。以所領縣屬蘇

杭。唐武德四年。復置湖州。天寶元年。又改為吳興郡。乾元元年。復為湖州。

乾寧三年。陞為忠國軍節度。五代吳越王四年。改長城為長興。周顯德四

年。改忠國軍為宣德軍。宋景祐元年。改宣德軍為昭慶。寶慶三年。改為安

大永

吉州屬淞西路。元至元十三年。改陞湖州路屬江浙行省。

國朝丙午年。改為湖州府。今屬淞江布政司。吳興續志。寶慶元年。改安吉州。

德祐二年正月歸於元。時為至元十三年。遂立湖州路安撫司。尋改湖州路達魯花赤總管府。隸江淞等處行中書省。而江南浙西道肅政廉訪司按治焉。仍領六縣。元貞二年。陞長興為州。在城置錄事司。至正十六年。高郵張士誠竊據。改吳興郡。僅得德清武康烏程歸安四縣之地。罷錄事司。以西南廂隸烏程。東北廂隸歸安。至正十七年。歸於元。仍復湖州路總管府。而錄事司不復再設。丙午年。守將以城歸附。

皇朝改為湖州府。吳元年。併長興安吉。仍復六縣之舊。洪武二年。復以長興烏程城內。仍以烏程歸安二縣分領之。今屬縣六。治烏程歸安直隸中書省。

吳興志 上湖州吳興郡昭慶軍節度治烏程歸安二縣。見熙寧九域志。實

禹貢周職方揚州之域。尚書禹貢震澤底定。孔安國注曰。震澤吳南太湖

名。周官職方氏揚州其藪澤具區。其浸五湖。鄭氏注曰。具區五湖在吳南。

防風氏國在焉。國語。江苕氏之君。守封隅之山。注。封隅山在吳郡永安縣。

永樂 注。汪周氏即防風氏國。今在武康縣。見通典。後屬勾吳。史記吳世家。

太伯奔荆蠻。自號勾吳。皇覽曰。太伯冢在梅里聚。左傳。襄公三年。楚子重

伐吳。至衡山。杜預注曰。衡山在吳興烏程縣南。吳亡入越。越滅入楚。史記

越世家。楚威王殺越王無疆。盡取故吳地。至淞江。余廣曰。當周顯王四十

六年秦并諸國罷封建為郡縣及定荆并越置會稽郡又以其地置縣曰烏程隸會稽曰故彰隸彰郡史記秦始皇二十五年定荆江南降越君置

會稽郡二十六年李斯議曰今海內一統皆為郡縣置諸侯不便始皇是之遂分天下為三十六郡杜佑謂彰吳興郡之西境會稽吳興郡之東境

是也漢高祖平秦取楚六年統建荆國十二年更名吳漢書高祖六年正月以故東陽郡吳郡彰郡立劉賈為荆王注吳郡本會稽也十一年賈為

吳破徙王江都治故吳國元狩二年子建謀反自殺國除傳云地入漢以屬江都國廢隸郡仍秦漢書江都易王非景帝前二年立為汝南王擊

吳破徙王江都治故吳國元狩二年子建謀反自殺國除傳云地入漢為廣陵郡非也廣陵止得江都等四縣爾元封二年更彰郡曰丹陽見漢

志後漢作陽晉志作楊以山多赤柳也永建元年分會稽浙江以西為吳郡後漢志三國分漢孫氏霸有江南皓侯烏程入嗣吳統吳志皓以永興

永樂

元年十月封烏程縣侯寶鼎元年適明陵有寇令以吳郡之永安餘杭臨水陽羨丹陽之故鄣安吉原鄉於潛漢書作替水悉注于烏程乃合九縣

為郡而以烏程為治所名曰吳興鎮山越藩陵邑且志所自起也吳志皓即作謚父和文皇帝改莽明陵吳興統記云明陵在州西一里吳志寶鼎

元年十月。永安山賊施但等。聚眾數千人。劫皓。庶弟謙出烏程。取孫和陵。上鼓吹曲。丁固等討敗之。分吳丹陽為吳興郡。詔曰。古者分土建國。因事制宜。今吳郡陽羨永安餘杭臨水。及丹楊故鄣安吉原鄉於潛。諸縣地勢水流之便。悉注烏程。既宜立郡以鎮山越。且以藩衛明陵。奉承大祭。其亟分出九縣。為吳興郡。治烏程。南史。沈約傳云。寶鼎二年誤也。又按漢志。及通典。烏程陽羨故鄣於潛。本秦舊縣。永安漢初平中。分烏程置。臨水吳時。分餘杭置。晉武帝更名臨水安吉原鄉。漢中平年。分故鄣置。吳興之郡。昉於此矣。晉太康元年。平吳。三年。析烏程西鄉為長城。東鄉為東遷。見輿地志。又按晉志。吳興郡統縣十。有東遷長城。無陽羨。舊圖經云。晉平吳。加領東遷長城二縣。又改永安為武康。見舊唐志。沈約傳云。太康三年。永興元年。割陽羨及長城之北鄉為義興郡。晉志。宋復分故鄣置綏安縣。舊唐志。緜安唐改為廣德。齊因之。梁置震州。舊圖經。統諸書。據通典。元和郡國志。皆曰。梁改為震州。陳後為吳興郡。紹興中。續圖經辨之曰。自秦置郡至陳。未嘗改革。隋氏一統。始改郡為州。太守為刺史。按梁書杜龕傳。龕為震州刺史。吳興太守。後遂以郡兵拒陳文帝軍。是梁分浙西數郡為震州治。吳興非改郡也。其說亦未審。自秦置郡。漢元封中。已分拾叁州置刺史。至梁

永樂大典

吳興太守。後遂以郡兵拒陳文帝軍。是梁分浙西數郡為震州治。吳

天監十年有州二十三郡三百五十縣千二十二。後又恢拓土宇。以舊州
避閏。多有析置。太和中。有州一百七。郡縣亦稱。此謂隋始改郡非也。以隋
志考之。自梁以來。往往以郡為州。以縣為郡。又別置諸縣。紛紛不一。如同
安郡置豫州。而屬縣宿松為高塘郡。懷寧為晉熙郡。望江後為大雷郡。同
安為樞夏侯。諸州郡所置。大率如此。故自天監官多兼領。如史領豐為司
州刺史。領安陸太守。馬道根為豫州刺史。領汝陰太守。據隋志。安陸郡梁
置。南司州安陸縣舊置。安陸郡廬江郡梁置。南豫州合肥梁置。汝陰郡即
此可見。蓋當時以吳興郡為震州。而烏程為吳興郡。初未嘗廢郡名也。舊
唐志曰。梁置震州。取震澤為名是矣。又統記云。梁敬帝置震州。陳高祖廢。
按敬帝在位纔三年。而陳高祖得之。故震州。自杜龕外不聞。陳廢州名。隋

開皇三年。罷天下諸郡。九年。平陳。大加併省。乃以餘杭臨安。晉更臨水曰
臨安。於潛又併武康立杭州。併故鄣安吉原鄉入綏安。隸宣州。以東遷長

城。復入烏程。隸蘇州郡廢。隋志。平陳後。吳興郡廢。并東遷入馬。又廢長城
武康。又併故鄣安吉原鄉入綏安。屬宣州。仁壽二年。置武康割烏程。又分

大永

長城為湖州。隋志。仁壽中置湖州。又武康長城並仁壽二年復置。取太湖
為名也。湖州之名昉於此。舊唐書。郡國志。五湖之表。州以為名。大業二年。

州復廢。三縣仍屬蘇杭。通典云。煬帝初廢湖州。其地入餘杭。及吳郡。唐高

祖取隋。武德四年復置湖州。領烏程一縣。僅存州名而已。又以豪傑來歸。

權創州縣。就拜守宰以寵之。而武康長城安吉皆自為州。唐志。湖州。武德

四年置。又是年長城置雒州。安吉置桃州。武康仍為武州。湖州領烏程一

縣。六年復没于輔公祐。七年平賊復置。統記云。大業末沈法興值隋亂。引

兵守江上。于舊州立吳興郡。唐武德三年。為李子通所陷。四年杜伏威平

之。復置湖州。六年又為輔公祐所陷。七年李孝恭為刺史復置州。參考諸

傳。沈法興。大業初為吳興太守。後為李子通所敗。自後別無更置。又唐會

要云。湖州開元七年置。反置烏程縣誤也。七年太宗即位。州縣權置者。併

省畧盡。始以武康長城來屬。又併安吉原鄉入長城。唐志。武德七年廢武

州。以武康來屬。又省雒州及原鄉併入長城來屬。又廢桃州以安吉入長

城。麟德元年。復置安吉。天授二年。析武康東鄉置武源。定為五縣。天寶元

年。又改州為吳興郡。武源再改為德清。唐志。武源景雲二年改臨溪。天寶

元年。又改為德清。乾元元年。復州名。舊志。乾寧二年。以錢鏐為鎮海鎮東

軍節度使。兼領二浙。三年。賜軍號忠國升節度置使。以授刺史李師悅。唐

永
大典

方鎮表。文德元年。置忠國軍節度使。治湖州。續圖經云。據師悅神道碑。以

為丙辰年。當乾寧三年。按統記。李師悅光啓元年授。文德元年。加檢校右僕射。景福二年。加防禦使。乾寧三年。加忠國軍節度使。未誤。州於是始為

節鎮。梁開平元年。封鏐為吳越王。四年。鏐始以錢鏐為刺史。五代史。吳越

世家。乾寧二年。鏐為鎮海鎮東軍節度使。兼有二浙。光啓三年。取蘇常。唐

刺史題名云。乾寧四年。高彥授招討使。天祐四年。卒官。其子濃襲位七年。

為衆所逐。鏐至州。安撫以錢鏐為刺史。是鏐雖在乾寧中領二浙。其刺史

尚是唐置。至高澧見。遂始以其親為之。據有其地。按唐紀。天祐四年。遜于

梁。梁太祖改元開平。是時後唐李克用存勳。仍唐年號。稱天祐。至十九年

題名。蓋仍唐年號。稱天祐七年。即梁開平四年也。梁太祖即位。封鏐為吳

越王。鏐受其封。合用梁平年號。後割武康。隸杭州。五代史。職方考。武康故屬

湖州。梁割隸杭州。改長城為長興。淳熙中。郡庠志。舊編云。吳越避朱梁太

祖父諱也。按五代史。梁太祖之父諱誠。鏐嘗受梁吳越王封。故避。周顯德

四年。改忠國軍為宣德。以錢堪為節度使。堪唐韻音湛。然齊整。宋混一

區宇。僭偽畢。臣。太平興國三年。吳越王錢俶納土。四年。復以武康來屬。七

年。析烏程置歸安。景祐元年二月。宣德軍改為昭慶軍。舊編載。景祐元年。

京城昭慶門災。上問天下郡國水多處。近臣以本軍對。命兩易其名。遂以

永樂

大

宣德名門。昭慶名軍。按續通鑑長編。明道元年。六月壬戌。大內火。延熾。崇德。長春等八殿。癸亥。移御延福宮。十一月甲戌。修內成。大赦。改元。二年十

一月甲寅。改正陽門曰宣德。明年為景初元年。二月壬辰。改宣德軍為昭慶軍。事不相屬。又按大內南三門。中曰宣德。東西門曰左右。長慶宣德門。

本梁建國門。興國七年。改丹鳳門。祥符八年。改正陽門。景祐初。改宣德。是正陽門改宣德。謂兩易其名非也。但修內之後。延熾八殿。名悉更改。次年

又改端明殿曰延和。改繼昭堂曰繼聖。恐是火災之後。以湖郡多水。用其軍額為門名。以厭火祥。既為門名。軍額自應更改。未可知也。更考。軍於是

始名昭慶。自秦始皇二十五年。歲在己卯。初置郡縣。越四百八十八年得。吳寶鼎元年。歲在丙戌。始為吳興郡。又三百二十六年得。隋仁壽二年。歲

在壬戌。始為湖州。又二百九十四年。為唐乾寧三年。歲在乙卯。始為節鎮。繇寶鼎元年。至慶元六年。歲在庚申。凡九百三十五年。一為震州。再為吳

永興郡

三為湖州。節鎮之名。亦三易州郡所隸。晉分天下為十九部。隸揚州。

大東道

音志。隋初隸揚州行臺。大業末隸徐州總管。見統記。唐分道置使。屬江南

東道。唐志。太宗元年。分天下為十道。八曰江南。開元二十一年。置十五道。採訪使。江南分東西道。今為縣六屬兩浙西路云。吳初置郡。領縣九。烏

程永安餘杭臨水陽羨故鄣安吉原鄉於潛晉析烏程置長城東遷為縣十一後以陽羨置義興郡為縣十宋以故鄣屬丹陽歷齊梁陳仍九縣隋

平陳郡廢縣或併省各他屬詳見朔置沿革下仁壽二年以武康晉改永安

烏程長城三縣置湖州未幾復廢唐武德四年復置湖州止領烏程一

縣七年始以武康長城來屬又併安吉原鄉入長城麟德中復置安吉天

授中析武康置武源天寶中更德清終唐之世凡五縣梁開平中割武康

屬杭州又損其一宋太平興國四年復武康七年析烏程置歸安今為縣

六望烏程望歸安望安吉望長興上武康緊德清廢縣

四菰城郡國志云春申君立菰城縣在郡南二十五里秦改為烏程至今

有城因山每歲為牧馬所東遷在烏程縣東四十一里輿地志云晉太康

元年分烏程東鄉置隋平陳併入烏程原鄉漢中平年分故鄣置武德七

年併入長城吳興太平興國七年轉運使高冕奏云古吳興郡倚郭管吳

興烏程兩縣今為歸安舊圖經統記並云高冕所奏未知何從得之據唐

永興

書述伯儀傳云湖州吳興人伯儀仕武后朝則是時有吳興縣但史失書

廢置年月所自耳縣舊隸本州今隸別州者五於潛餘杭臨水即

臨安右三縣隋析置杭州屬臨安府陽羨晉置義興郡今屬常州故鄣晉

以屬丹陽。今屬廣德軍。吳興續志湖統六邑。二麗于郭。姑舉其凡。後復詳
權叙屬縣。歷代屬縣。分合不一。沿革已紀其詳。宋太平興國七年。始定
為六縣。烏程歸安。安吉。長興。為望。武康。為上。德清。為緊。元因之。元貞元年。
陞長興為州。以烏程歸安為上縣。德清。安吉。為中縣。武康。為下縣。長興。為
中州。

皇朝仍以長興為縣。且著於令。各縣以糧十萬石之上為一等。五萬石之上為
一等。五萬石之下為一等。設置吏卒各有差。洪武九年。同為正七品。烏
程縣。元為上縣。今為正七品。歸安縣。元為上縣。今為正七品。長興縣。

元陞為州。今復為縣。正七品。安吉縣。元為中縣。今為正七品。德清縣。
元為中縣。今為正七品。武康縣。元為中縣。今為正七品。

烏程縣

大明清類天文分野。周為楚。菰城地。秦置烏程縣。屬會稽郡。漢置侯國。屬荊。

又屬吳。後屬江都。及國除。復屬會稽。永建中。屬吳郡。三國吳地。孫皓置吳

興郡。晉分其西鄉為長城。東鄉為東遷。梁以郡置震州。乃以縣置吳興郡。

隋郡罷。以縣屬蘇州。仁壽二年。屬湖州。大業二年。州罷。復以縣屬蘇州。唐

武德四年。復置湖州縣。復屬之。宋屬安吉州。元屬湖州路。

本朝因之。吳興志望烏程縣。見九域志。唐縣分七等。赤畿望緊上中下。烏程

舊為緊。大歷十二年。始升望。見顏真卿石柱記。據唐會要。烏程大歷十二

年二月二十一日昇望。本縣有昇望記。大歷中尉陳萇撰。又據武德今五

千戶以上為上縣。開元十八年增千戶。其畿亦望緊不限戶數。並為上縣。

宋建隆元年十月。詔應天下縣除畿赤外。四千戶以上為望。三代楊州之

域。戰國屬楚。時已為縣。曰菰城。即春申君黃歇封邑也。郡國志云。春申君

立菰城縣在郡南二十五里。秦改為烏程。左傳宣公十一年楚子縣陳。注

滅陳為楚縣也。楚已有縣矣。城面溪澤。菰草彌望。故名。秦既併楚。改曰烏

程。屬會稽郡。以烏中程林二氏所居也。古者因生賜姓。後之郡縣。乃多因

姓而命名。二姓以善釀。雄其鄉音。又相協。秦尚富疆。一時更革。至今仍其

名也。舊圖經載。越絕書外傳云。始皇至會稽。徙大越之人于烏程。郡國志

云。古烏氏。程氏居此。能釀酒。因以為名。統記載。顧長生三吳土地記云。縣

有烏林氏。秦時程林烏中二家。能釀美酒。始皇二十六年。改菰城縣為烏

程縣。屬會稽郡。縣有烏亭。即古之烏木鄉。烏氏所居鄉也。漢梁孝王兔園

會招文士。鄒枚司馬賦。烏鄉酒。張景陽七命曰。酒則荆南烏程是也。又秦

尚富疆。如烏氏蠶。以畜牧致富。始皇今此封君興朝請。已寡婦清家擅丹

永樂大典

允。始皇容之為築女懷清臺。則以二姓善釀名縣。亦此意也。漢興參置侯

國屬荊。屬吳。屬江都。江都國廢。復隸會稽。永建中。屬吳郡。三國屬吳。孫權

分縣之餘。不鄉為永安。後為侯國。孫皓以侯居焉。皓後即作寶鼎元年。以

吳郡之永安餘杭臨水陽羨丹陽之故鄣安吉原鄉於潛於水悉注。此乃

合九縣。即其地置吳興郡。自是始為郡治所。晉析其西鄉為長城。東鄉為

東遷。梁以郡置震州。乃以縣為吳興郡。隋志。烏程舊置吳興郡。隋平陳郡

廢。併東遷長城復入而屬蘇州。仁壽二年。復分長城立湖州。大業二年州

又廢。唐武德四年。復置湖州。自梁以來州有廢置。更革縣未嘗變也。宋太

平興國八年。始析縣之東南十五里置歸安。分治郡城之東。而縣之治所

在州治之西一里。由今準古為縣始於楚。制名自於秦。置郡由於吳。治所

創於晉。其屬湖州則肇於隋。定於唐。境界分畫。則自宋太平興國以後云。

歸安縣

宋明續類天文分野。宋興國七年。分烏程縣地。置歸安縣。與烏程對治。俱為

大輿倚郭。屬安吉州。元屬湖州路。

本朝因之。吳興志望歸安縣。宋太平興國七年。分烏程縣置。據舊圖經。載轉

運使高冕奏云。古吳興郡倚郭。管烏程吳興兩縣。今烏程境太廣。請分置

一縣從之。時吳越錢氏初歸。命故以歸安為名。見舊圖經。統經。析烏程之東南十二鄉隸焉。置縣治于州治之東一百二十步。統經云。西北至州一百二十步。在迎春橋東。與烏程對治為倚郭。舊圖經云。高冕言吳興縣倚郭。不知何從得之。按唐書。沈伯儀傳云。湖州吳興人。伯儀當武后時。則武后時有吳興縣矣。又統記。載南封記一卷云。齊吳興縣丘靈鞠撰考。統記所載撰述類首載郡官所著文集甚多。恐是吳興縣令。但本傳止云烏程人。統記之言必須有證。則齊有吳興縣未可知也。特齊梁郡縣紛更至衆。史多畧之。無可稽考。又續圖經云。晉大唐中。當烏程東鄉為東遷縣。隋復併入。今縣東四十五里。尚以東遷名其地。蓋縣治也。且晉初析烏程西鄉為長城。即今長興縣也。東鄉為東遷。即今東遷也。長興地界在烏程之西數十里。則東遷縣界亦當東遷不遠。今歸安縣界乃自城中與烏程分畫對治北。自後石橋南至小市巷。過儀鳳橋。至甘棠橋。以路及溪中分為界。城外以迎春門。運河之南定安門。餘不溪之北為界。非東遷舊界明矣。

永興
長興縣

大明清類天文分野。晉太康三年。分烏程縣之西境。置長城縣。屬吳興郡。永興元年。分北鄉置義興郡。隋開皇九年。併入烏程。屬蘇州。仁壽二年。復分

長城置湖州。大業二年。州罷復屬蘇州。唐武德四年。更置綏州。又改名雒州。并置原鄉。復為長城縣屬湖州。麟德元年。分為安吉。天寶元年。州仍為郡。乾元初。郡復州名。而縣復屬湖州。五代吳越錢鏐改為長興。宋屬安吉州。元改安吉州為湖州路。縣仍屬焉。元貞元年。陞為長興州。仍屬湖州路。

吳興續志。

皇朝 丁酉二月。兵克長興。改曰長安。以安吉縣來屬。壬寅年。復合長興。吳元年。收

附湖州。與安吉併屬焉。洪武二年。仍復為縣。吳興志。望長興縣。見唐地理

志。及元豐九域志。望縣詳見烏程縣下。本烏程縣之西鄉。晉太康三年。始

分其地以置屬吳興。郡名曰長城。見輿地志。又舊圖經云。晉平吳。加領長

城縣。輿地志又云。吳夫槩於吳西築城狹而長。因有長城之號。舊經云。縣

因長城取名。因其地。有吳夫槩城狹而長也。永興元年。割其北鄉為義興

郡。見晉地志。隋開皇九年。平陳以其地併入烏程。隸蘇州。隋志。平陳復廢

郡。見輿地志。長城入烏程。隸蘇州。仁壽二年。復分長城。再置湖州。見隋地

志。大業三年。州復廢。縣仍屬蘇。見隋志。及通典。十四年。沈法興偽置長州。

唐武德四年。更置綏州。又更名雒州。并置原鄉縣。隸焉。唐志。長城。大業末。

沈法興置長州。武德四年。更置綏州。因古綏安縣名之。又更名雒州。并置

永興

大業

原鄉縣。統記云。大業十四年。吳興太守沈法興守江左。於長城縣置長州。武德四年。土人張碩。於長州西巖山上立巖州。於常州置綏州。以古綏安縣為名。尋又改為雒州。舊經云。取縣界雒山為名也。七年始省雒州。及原鄉復置長城縣屬湖州。又廢桃州以安吉入焉。並見唐志。統記云。武德七年廢宣州原鄉。綏安改鄣二縣入長興。誤也。按綏安宋分故鄣置。舊唐志云。綏安唐改為廣德。隋志。宣州綏安縣。平陳省故鄣安吉原鄉焉。唐志。宣州廣德本綏安。七年以縣來屬。則綏安未嘗併入長城也。綏平陳後。嘗併故鄣安吉原鄉入綏安。隸宣州。今則復析宣州綏安縣之原鄉安吉入長城。故訛舛。併言綏安耳。故鄣綏安。實未嘗併入長城也。麟德元年。復析為安吉。天寶元年。州仍為郡。乾元元年。郡復州名。而縣之所隸如故。吳越當梁時。避梁諱。乃改今名。按五代史。吳越王錢鏐受梁之王封。梁太祖之父名誠。故為之避。自晉太康至今廢者一。隋開皇。名易者再。為州者三。一屬震州。梁時事具。郡沿革下。再屬蘇州。屬湖州。吳興郡者。各三焉。此縣沿革廢置之畧也。

武康縣

大明清類天文分野漢為烏程縣餘不鄉地即古防風氏之國也三國吳分

置永安縣屬吳興郡。晉改爲武康縣。宋齊並屬吳興郡。隋初縣罷。仁壽二年。復置屬湖州。唐李子通置安州。又曰武州。武德七年。州罷以縣屬湖州。五代梁分屬杭州。宋太平興國四年屬湖州。寶慶三年。改州爲安吉縣。仍屬焉。元屬湖州路。吳興續志。至元十二年。收附爲下縣。至正十六年。爲張士誠所據。丙午年歸附。

皇朝。因其舊名。隸湖州府。吳興志上武康縣。古防風氏國。汪芒氏之守也。國語。

注。芒氏之君。守封隅之山。注。封隅山。在吳郡永安縣。史記注。汪芒氏即防

風氏國。今在武康。又見通典。漢爲烏程餘杭之境。初平中。始分二邑。置縣

名曰永安。屬吳郡。按後漢志。及通典並云。漢初平中。置永安縣。南史。沈約

傳云。靈帝中平五年。置祥符圖經載。漢末童謠云。天子當興東南三餘之

間。吳大帝黃武元年。乃改會稽之餘暨爲永興。分烏程餘不鄉合餘杭之

境。置永安縣。餘英志。以沈約博綜群書。世居武康。自吳至梁。歷年未遠。以

約之言爲正。舊編則援圖經之言。統記亦謂吳黃武元年置。今以年代考

之。靈帝中平七年。爲獻帝初平元年。當魏黃初二年。沈約雖號博綜。而自

叙鄉里族系。多與正史差齟。又黃武爲吳年號。使其爲黃武元年。則漢史

不當載。今以漢志通典之言爲定。吳寶鼎元年。始制吳興郡。以永安屬焉。

永安
大典

見吳志。而餘英志。以為寶鼎二年者。亦據沈約之言也。晉平吳興曰永康。後又改曰武康。餘英志曰。晉太康三年平吳。以平陽郡有永安縣。改曰永康。

惠帝永元九年改元永康。以年號同。始改曰武康。魏記作太康。三年改

武康。隋平陳廢吳興郡。又併縣境入餘杭隸杭州。仁壽二年復置武康縣

又割烏程分長城立湖州。大業二年廢湖州。縣仍屬杭。唐武德初。賊李子

通攻陷郡縣。以武康為安州。後又改曰武州。四年復置湖州。而武康仍為

武州。魏記載大業十四年。江南元帥沈法興。復於湖州置吳興郡。縣又屬

焉。唐武德三年。李子通賊攻陷郡縣。以武康置安州。取古永安為義也。四

年七月以安吉人。施世英使持節安州諸軍事。安州刺史征子通未行。其

年八月吳王杜伏威遣其將王雄誕平子通。施世英改杭州刺史。改安州

為武州。以武康為義也。六年冬郡縣又為輔公祐所陷。七年春趙郡王李

孝恭廢武州。又於舊吳興郡立湖州。縣仍屬焉。餘英志曰。大業十三年。復

置吳興郡。武康又屬焉。唐武德四年。賊李子通攻陷郡縣。以武康置安州。

又改曰武州。子通平唐因之。七年州廢。縣復隸湖州。按唐志。湖州武德四

年置。又是年武康仍為武州。七年州廢。復為縣。隸湖州。天授三年。析東十

七鄉置武源縣。魏記。天授二年七月。百姓戴德永等上疏。言武康東界一

永樂大典

十七鄉。枕臨漢澤。有舟楫之利。請析置武源縣。勅從之。梁復割隸杭州。宋太平興國四年。復隸湖州。竊嘗推之。縣始置於漢之初平。而武康之名由於晉。自吳至今。更屬於湖杭者凡七。而定於太平興國之四年。今之邑境。即天授之舊。唐初擾攘。雖再立為州。不數年而復為縣云。

德清縣

大明清類天文分野三國吳分武康縣之東境。烏程縣之餘不鄉。屬永安縣。

晉改永安為武康縣。唐天授二年。分置武源縣。景雲二年。改為臨溪縣。天寶元年。改為德清縣。治在百僚山之南。宋屬安吉州。元屬湖州路。吳興續志。至元十三年。收附為中縣。至正十六年。為張士誠所據。丙午年。歸附。

皇朝因其舊名。隸湖州府。吳興志。緊德清縣。見九域志。縣初日上。餘見烏程下。

本武康縣之東境。烏程縣之餘不鄉也。吳屬永安縣。晉改永安為武康縣。唐天授二年。縣民戴德永。奏武康東界十七鄉。枕溪澤。有舟楫之利。請析置一縣。以界內有武承塘。遂置武源縣。縣東十八里。臨大溪。有武承塘。東

為石塘。西境。聯接數里。勅依所請。景雲九年。勅天下州縣。自天授以來。改

為武源者。並復舊文。新置者。議而改焉。二年。改武源為臨溪縣。天寶元年。改今名。隸湖州。時天寶六年。改烏山為德清山。宋因之。

安吉縣

大明清類天文分野漢丹陽郡故鄣縣之南境東漢靈帝時分鄣之南鄉置

此縣屬丹陽郡晉屬吳興郡宋齊並因之梁陳屬陳留郡隋郡罷省安吉

入廣德屬杭州仁壽二年復置湖州仍以安吉屬焉大業二年以安吉武

康屬宣州唐武德四年以廣德縣置桃州而安吉屬焉七年省併入長城

麟德元年復置屬湖州宋屬安吉州元屬湖州路吳興續志至元十三年

收附仍隸湖州路為中縣丙申歸附

皇朝丁酉年隸長興縣吳元年平淞西仍隸湖州府吳興志望安吉縣見九域

志縣初上會昌四年十一月三日初改緊望縣詳見烏程縣下本漢丹陽

郡故鄣縣之南境初平中張角作亂北鄉守險助國漢嘉元二年分故鄣

南鄉別為一縣因名之為安吉見吳興記及統記吳寶鼎元年以丹陽郡

之安吉等九縣立吳興郡隋開皇元年廢入廣德縣隸杭州仁壽二年仍

舊吳興郡置湖州廣德縣又隸焉大業二年廣德隸宣州以安吉入武康

又隸焉義寧二年沈法興據湖州復置縣唐武德四年以廣德縣置桃州

永樂

仍以安吉縣隸焉七年省併入長城麟德元年復置隸湖州已上參考吳

興圖經續圖經并統記所載自漢中平至今廢者三一屬丹陽三屬吳興

一屬桃州。兩屬湖州。此縣沿革廢置之畧也。

分野

湖州府吳興續志。粵初建國。分土畫疆。占星辨域。徵諸保章。斗牛之間。厥分惟揚。湖隸其區。舊志既詳。叙分野舊志。載吳興隸揚州之域。其分野。

在斗牛女三宿。或曰斗分野。或曰南斗須女之分。諸說不同。而舊志折衷。謂吳興在漢為烏程。故鄣。烏程屬會稽。故鄣屬丹陽。丹陽為吳。會稽屬越。

參吳越二境。則分野在斗牛之間。此為可據。吳興志言分野者。權輿於周官。而紛綸於漢儒。自漢以後。說益繁矣。然周有九州。春秋有十二諸侯。漢

有一百三郡國。故論分野於震澤巨區之間者。於辰曰丑。次曰星。紀。宿曰斗。牛。女。州曰揚。國曰吳。越。郡曰會稽。丹陽而已。故舊國經。據禹貢揚州有

震澤。周職方。揚州有具區。爾雅。具區。藪在吳越之間。且援漢志云。斗牛壘也。續圖經第曰。次為星紀。統記第曰。星屬斗牛。至舊編。乃悉載歷代地志。

及國史志。謂二浙當南斗須女之分。亦未嘗辨諸說之不同也。竊考保章氏有九州分星之說。鄭氏注。援緯書云。牽牛流為揚州。分為越國。漢志言

斗。江湖牛婺女。又言斗為吳。會稽。晉志載星紀。班固言。自斗十二度至女七度。費直周易說起斗十度。蔡邕月令章句起斗六度。陳卓譙周等。入郡

永樂大典

永樂

國宿度。丹陽入斗十六。會稽入牛一。又曰。范蠡鬼谷先生。張良諸葛亮譙周京房張衡並云。唐志載大衍曆起斗九度中斗二十四終女四。得漢會

稽丹陽等郡。又曰。斗在雲漢間。當淮海下流為吳分。牛去南河浸遠。自豫

章迄會稽。南踰嶺徼為越分。竊謂吳興在漢為烏程。故鄣。烏程屬會稽。故

鄣屬丹陽。丹陽為吳。會稽為越。叅吳越二境。則分野在斗牛之間。而衆說

入宿不同者。一行有言曰。古今辰次與節氣相繫。各據當時曆數。與歲差

遷徙不同也。漢太初曆。冬至在牽牛初。星紀起斗十度。賈直據此四分。歷

冬至在斗二十一度。星紀起斗六度。蔡邕據此。班固起十二度。用三統曆

數也。唐一行曆。以虛九度為玄枵中。故星紀起十九度。又古曆係星度千

節氣。至虞喜乃立歲差法。大衍曆用之。今曆星紀入斗四度。史官見用統

天曆。起虛七度。比大衍曆本差二度。而入斗宿差五度者。一行星距南斗

二十六度。牽牛入度須女十二度。本朝崇寧中。曆官姚舜輔。星距度斗二

十五。十七。女十一。少。蓋牽牛一行距上星。舜輔距中星。須女一行距第二

永樂大典

星。舜輔距第一星。星距又有三度之差。所以差五度也。在五星為熒惑。在

北斗為衡。而占以丁巳日云。後漢志。劉昭補注。引星經云。熒惑主揚州。又

云。斗至衡茅五星屬揚州。當以五巳日候之。丁巳古吳郡會稽。

地里

湖州府吳興續志湖惟大邦。視古侯國。考其步里。代有沿革。畧表四封。鄣

其疆場。叙地理。前代州縣。地理分合不一。故其地里。亦無定數。

皇朝著令。凡歲遇閏月。以州郡山川道里之數。為圖以獻。今考洪武九年所定

郡境。四至八到里數。與舊志所載頗異。當以定著於式者。錄於編。

府境

東西一百九十二里。南北一百五十六里。東至蘇州府吳江縣界震

澤鄉潯溪七十二里。自界首至吳江縣治九十四里。共一百六十六里。

西至長興縣界四安鎮一百二十里。自界首至廣德州治五十里。共一百

七十里。南至德清縣九十里。自界首至杭州府治九十里。共一百八十

里。北至蘇州府吳江縣界太湖水六十六里。自界首至蘇州府治一百

一十三里。共一百七十八里。東南至嘉興府崇德縣界白馬村一百里。

永興
自界首至崇德縣治三十六里。共一百三十六里。西北至長興縣七十

大興
二里。自界首至常州府宜興縣治五十里。共二百二十二里。西南至安

吉縣一百二十里。自界首至寧國縣治一百五十里。共二百七十里。東

北至蘇州府吳江縣界因瀆六十里。自界首至吳江縣治八十里。共一百

四十里。

道路

陸路五。東出迎春門。入蘇州府界。即運塘驛路。南出定安門。入杭州府界。西北出迎禧門。入廣德州界。西出清源門。入廣德州界。北出臨湖門。至太湖。水路五。舊志迎禧門。水路今改築城垣於上遂塞。東出迎春門。入蘇州府界。即運河。南出定安門。入杭州府界。西出清源門。入廣德州界。北出奉勝門。入太湖。東北出臨湖門。入太湖。烏程縣。吳興續志。烏程為縣最古。自立郡以來。皆為倚郭。其疆里延袤。分析具載。郡志。元之里數。與舊頗有不同。今以皇朝洪武九年。著于籍者。具列如後。

縣境

永樂

東西一百八里。

南北八十一里。舊志。一百三十七里。元縣境一百三十

里。皆以太湖水為界。今但以湖口為界者。蓋以水無定處故也。

東至在

大典

城兩平橋一里九十七步。入歸安崇新界。自界首至歸安縣治一百八十

步。出迎春門。至本縣南潄溪。接蘇州府吳江縣震澤七十二里。自界首到平望鎮五十四里。共一百四十六里。西至長興縣界水瀆中三十六里。

永樂大典

自界首到長興縣治三十六里。共七十二里。南至歸安縣界橫溪水六十三里。自界首到德清縣治二十七里。共九十里。北至大錢太湖口一十八里。東南到歸安縣璉市村一百里。東北到蘇州府吳江縣界因瀆村六十里。自界首到吳江縣治一百一十一里。共一百七十一里。西南到歸安縣地接安吉縣界金竹關七十五里。自界首到安吉縣治四十五里。共一百二十里。西北到長興縣界卞山村三十里。自界首到長興縣治四十二里。共七十二里。

道路

陸路三。縣東到兩平橋。入歸安崇新界。出迎春門為運塘路。縣西北出迎禧門清塘。入長興縣界。縣南出定安門。入歸安縣界。水路五。縣東由霽溪接運河。入歸安縣界。縣西出清源門。入長興縣界。縣南出定安門。入德清縣界。縣北出臨湖門。至太湖入蘇州界。縣西北出迎禧門。入長興縣界。

永興
歸安縣 **吳興續志** 舊志歸安南北二境皆距烏程北以運河中流為界。南

以餘不溪中流為界。與今改革不同。當以

皇朝洪武九年所定。道路遠近著於式者錄于編。

縣境

東至嘉興府崇德縣界錢莊八十二里。西至在城兩平橋分界一百八十步。自界首到烏程縣一百九十七步。南至德清界橫溪水中分界八十三里。自界首到德清縣治二十七里。共九十里。北至烏程縣地面太湖口一十八里。東南至舍山塘分界九十里。自界首到嘉興府崇德縣治三十里。共一百二十里。西南至安吉縣金竹關分界七十五里。自界首到安吉縣治四十五里。共一百二十里。東北至迎春門外烏程縣界鎖條橋二里。西北至烏程縣地接長興縣界弁山村三十里。自界首到長興縣治四十二里。共七十二里。

道路

陸路二。縣東出迎春門入烏程縣界。縣南入烏程界。出定安門。水路五。縣東運河。出迎春門。經烏程。入吳江縣界。縣南沂餘不溪。出定安門。入烏程經界。縣西沂茗溪。入烏程縣界。出清源門。縣北沿雲水。出臨湖門。經烏程縣界。入太湖。縣北入雲水支港。出奉勝門。入烏程界。長興縣吳興續志縣境地里。參考舊志。頗有不同。今以洪武九年著於籍者錄于編。

永興

永興

縣境

東西一百二十六里。南北一百七十里。東至縣界水瀆中三十六里。

自界首到烏程縣治三十六里。共計七十二里。西至廣德州廣陽縣界

分界山九十里。自界首到廣陽縣治三十里。共計一百二十里。南至本

縣界湖南山杜村一百一十里。自界首到安吉縣治一十里。計一百二十

里。北至常州府宜興界啄木嶺六十里。自界首到宜興縣治八十里。共

計一百四十里。東南至縣界弁山村四十二里。自界首到烏程歸安縣

治三十里。共計七十二里。西南至安吉縣界永定村一百五里。東北

至蘇州府吳縣界太湖中小雷山七十六里。自界首到吳縣治七十八里。

共計一百五十四里。西北至常州府宜興縣相王嶺界七十里。自界首

至宜興縣立梅村界二十五里。自界首至溧陽縣治七十里。共計一百六

十五里。

永樂

道路

大陸路六。

東出成武門。入烏程縣界。東北出宜春門。入烏程縣界。南

出嘉會門。入安吉縣界。西南出四安門。入廣德州界。西出長興門。入

宜興縣界。北出吉祥門。入宜興縣界。水路五。縣東沿茗溪。入烏程

縣界。縣西至四安鎮。縣西南遡茗溪。入安吉縣界。縣西遡茗溪。入合溪。縣東北入太湖。

武康縣吳興續志地理遠近。參考舊志。頗有不同。今以洪武九年著於籍者。編列如左。

縣境

東西七十二里。南北五十里。東至德清縣界金鵝山二十四里。西至安吉縣銅峴山五十五里。南至杭州府餘杭縣界馬頭山三十里。北至歸安縣界姚塢嶺一十五里。東到德清縣二十七里。西到安吉縣九十里。南到杭州府餘杭縣八十九里。北到歸安縣九十五里。東南到杭州府錢塘縣界三十六里。西南到杭州府餘杭縣界盤石溪三十五里。東北到歸安縣界塘頭急連鋪四十里。西北到歸安縣界方山嶺一十八里。

道路

大典

陸路四。縣東入德清界。縣西南入杭州府餘杭界。縣西入安吉界。

縣北入歸安界。水路三。縣東入德清界。縣西南遡德清縣餘不溪。入杭州府錢塘縣界。縣北砂溪入歸安界。又北至本府。

德清縣吳興續志縣境參考舊誌頗有不同今以洪武九年著于籍者錄如左。

縣境

東西六十叁里。南北六十九里。東至嘉興府崇德縣南津鄉一都七十二里。西至金鵝山三里武康縣界。南至杭州府仁和縣五林村三十六里。北至歸安縣渚前瀆中分二十七里。東到崇德縣治九十里。西到武康縣治二十七里。南到仁和縣治九十里。北到歸安烏程縣治九十里。東南到杭州府海寧縣治一百二十里。西南到武康縣界塘涇一十八里。東北到歸安縣逸大村五十四里。西北到歸安縣界渚前瀆三十五里。

道路

陸路四。縣東南鋪路入杭州府。縣西北入武康縣。縣西入一二都。縣北入三都。水路四。縣西由北流水入湖州府。縣東北由餘不溪入湖州府。縣西南迤餘不溪入杭州府。縣東洪橋下入嘉興府。

永興
大興

安吉縣吳興續志前代地理遠近不同今以

皇朝洪武九年著于籍者開列如左。

縣境

東西八十里。南北八十里。東至武康縣界銅峴山三十五里。自界首到武康縣五十五里。共九十里。西至廣德州廣陽縣界五嶺山四十五里。自界首到廣德五十五里。共九十五里。南至杭州府臨安縣界烏山關七十里。自界首到杭州府一百一十里。共一百八十里。北至長興縣界杜村一十里。自界首到長興縣一百一十里。共一百二十里。東北至縣界金竹關四十五里。自界首到府城八十里。共一百二十五里。東南至杭州府餘杭縣界獨松關四十五里。自界首到餘杭縣界七十五里。共一百二十里。西北至廣德州廣陽縣界五嶺四十五里。自界首到廣陽縣五十五里。共九十五里。西南至杭州府於潛縣界水凝嶺一百五里。自界首到於潛縣九十里。共一百九十里。

道路

永樂

陸路四。縣東出迎春門入武康縣界。縣西出承恩門入廣陽縣界。縣南出朝陽門入餘杭縣界。縣北出拱辰門入長興縣界。水路一。

縣東新橋順

大溪入府城。

永樂大典卷之二千二百七十五

永樂大典

永樂大典



永樂大典

永樂大典

